

Zbog požara na Kanarskim otocima evakuirano oko 9.000 ljudi



Zbog požara na Kanarskim otocima u Španiji, koji od subote do danas nije stavljen pod kontrolu, evakuirano je oko 9.000 ljudi.

BBC javlja kako je požar izbio u subotu u blizini Tejede, a da je širenjem s dvije strane, zahvatio i šumski prostor.

Lokalni zvaničnici navode kako je vatrena stihija zahvatila površinu od 6.000 hektara, a plamen je mjestimično dosezao i 50 metara.

Dodaju kako visoke temperature zraka, jaki udari vjetra i niska vlažnost otežavaju akcije gašenja požara.

U gašenju požara učestvuje 14 letjelica, dok se na kopnu nalazi oko 200 pripadnika vojske i 700 vatrogasaca.

Požar nije zahvatio naselja niti turističke destinacije, ali se širi prema parku prirode Tamadaba.

(AA)

Date: 20-08-2019